





宣上孝翁月岳丈序

斤要而高臥北窻自謂羲皇上人可云樂

復實雖有五男兒總不好

廷之



全王  
糾百



君榮兄序

乾隆甲子望前三日宗祠譜事已就兄君榮循例備席其幼子懋旭甚  
慇懃焉時值秋收登穀農事忙匕而獨暇先及於此噫是真可謂知所  
重者歟乃俄而告曰聞外人語族中老成有德及一二善行足紀者俱  
一二登之華譜以示表揚旭念我父大人一生忠厚無欺克自樹立成  
家且壽高七十有奇母氏亦年近七旬而兄弟姪輩亦思欲乞一二言  
以爲大人光未知可否則其意之所重尤在此予嘉其志而不以不文  
辭兄諱繼有字君榮行居曾三百三十六其貌頽然而長其容赭然而  
赤善言談喜飲酒氣度樸質外圓而內方善與人交遇公事慷慨向前  
後生輩誰能及之先是少壯時家貧拮据經紀不憚勞苦方得漸臻饒  
裕徙居於江麻園之東不慮孤而無隣也廓新基肯堂構與應姓合宅



而共第焉夫異姓聚處猶之萍水相逢久之未有不生嫌隙者而兄獨能周全數十年之間如兄如弟從無猜忌非其素行見信於人焉能致此則其在宗族也益可知矣厥配程氏秉性柔順克善內助春秋六十有七舉案齊眉子男三孫男四振振繩繩其多壽多男也如此况復康強矍鑠耳聰目明日飲酒而遊醉鄉其樂陶化真可謂地上之行仙矣惜言之不早未及其詳姑卽其意之所重而爲之序之

邑庠生弟寧遠氏拜撰



從伯紹功公序

紹功伯者鄉飲賓國雲公之子也國雲公三子伯居幼諱繼授初隨父居外祖家長兄多病次兄習儒業一切勞苦伯獨任之後歸里居與二兄分爨尙義多遜自創基業買得黃姓屋數間園一處以爲居所始衣食僅足漸且饒富二尊人去世嘗以不得地爲憂延師覓做後獲吉兆不吝已貲與兄姪輩謀安厝焉伯又好施濟遇荒年卽持糧以賑族貧不欲其償前溪有石橋屢被水害每圯必親修之遠有請捐者亦樂爲助十五世祖寶一公向無樓神之所衆議有年久不得遂伯慨然有志設席糾衆擇材能者董其事不逾年而落成告竣更多所資助焉他如濟小宗之匱乏創中庭之樂捐諸如此類不能盡述厥配顏氏貞淑慈和與伯同甘苦勤勞爲女中丈夫乃艱於子息晚得一男名懋達教育



成人遊太學不幸早世媳李氏無出幾絕望矣妾鄭氏遺腹產一孫名  
廷選此乃天報積德也伯繼娶側室王氏復產一男名懋傳老蜂生珠  
一時交慶語曰吉人天相不洵然哉伯今七旬有餘老年矍鑠黃髮童  
齒好善樂施視前有加伯母亦康健安寧二老居室鶴髮齊眉伯雖前  
途偃蹇後多集福凝休異日國史採風聞伯善行旌表以勵俗與國雲  
公後先輝映將桂子蘭孫班爛繞膝登堂奉觴稱難老以祝眉壽可預  
卜也是爲序

昔

乾隆九年歲次甲子夏五月端陽後十日從姪如曠拜序於見所齋



補祝素菴胡聖祥先生壽序

甲子之歲惟夏之中表兄大升先生招飲於致遠堂適叔行中表祥翁胡老先生者兩手支持皤然在席予問以年先生曰賤齒七十有一踰初度兩閱月矣榮起而言曰世之慶壽者或以十祝或以一祝今先生屆古稀而晉歷一籌何可無祝先生曰末愧無以爲禮所自爲祝者惟清風拂座明月橫窗已耳豈能開筵設席爲閭里增光哉予曰否七先生不肯受祝榮途隔四十里不能爲先生祝請借今日之盛饌爲先生壽可乎且先生履歷生平榮初得之家大人繼聞之家族弟詳矣自幼隨尊人奇居邑肆就學於兩耕精舍作文務求深刻不肯襲人唾餘以恩額五名就試於杭郡入學爲主文稱賞邑中諸老成多器重焉尤長於書法橫空盤硬潑墨有神近以手慄不能蠅頭細字閒於僧舍祠廟



間見大者如斗小者盈拳意興所到適以佐其點畫鈎勒轉折之姿致此則家大人嘗爲不肖言又往七於不肖自鄉抵舍時詢及起居動履故能記憶不忘然聞歸鄉後處境之苦歷事之窮有言之而酸鼻寒心者先生顧泰然若不知也敝衣蔬食悉以爲常甚至藜藿有時不給採芝拾蕈以食族中諸長者周濟則有之而欲吞聲忍氣以求貸於人則寧死不爲而且落拓無聊親交絕少所與遊者獨有程符五先生及貴族升九大升諸君子先生古道照人時過而問焉告以匱乏則出所有以相餉先生心感之否則微獨鄙吝爲罪要亦先生之不輕於求人也平時旣以介節自持尤以禮義教子每當生且佳節必令其整衣束冠端肅以拜曰此本先大人之教爾毋以貧而不率也榮之所聞於家族弟者又如此嗟乎計先生一生二十 遊庠而屢試不第二十 歲配



章孺人爲室而久無所出四十九絕絃續娶羊孺人而生子二長懋愷  
次懋恂家計日以窘五十餘束裝走京師館於鄉先達家終無所遇歸  
而舌耕以卒歲其後數年羊孺人又復溘逝近得瘋疾兩手幾不能持  
嗚呼噫嘻世將謂天棄先生日甚矣不知天之命有深焉者也夫英華  
爲間氣所聚福澤乃造物所輕古今文人之遭祟者指不勝屈卽如聖  
門伯牛德行也而癩疾終子夏文學也而喪明廢先生之文精字絕則  
支離其手也固宜且原憲蓬戶桑樞貧也非病顏子陋巷簞瓢貧而自  
樂至今誦義無窮名傳千載今先生處久約之地而矯七自立旣與聖  
門困厄之儒同一位置則天之眷顧別自有在而其名其壽亦當與清  
風明月同其不朽末學空言聊用爲壽先生聞而色喜受且遜若未敢  
當者而以質之表兄先生謂榮非善達觀者不能爲是言也命書之以



補祝

昔

乾隆九年歲次甲子五月夏至前二日

松竹廬愚表姪應世榮頓首拜撰



胡升九先生序贊

先生高風偉望聞諸鄉人有年矣第恨羈棲城市未由時聆嚶咳耳間嘗歸鄉視其俗尙樸茂士敦實行訊之貴宗人曰微家督升九公規戒不及此及予詢知其詳曰公持正無私諸子弟勿令荒業凡敝族宗廟之事俱向先承任概從儉約縱或不諧於衆然今之廟貌修飭公帑饒裕皆公之積勞任怨所積也榮用是心儀先生之爲人而思有以見之壬子科試後借閱令子光旭表兄闡卷精思奧筆自成一家榮獨多其爲人溫潤如玉瑩白無瑕知得力於尊人先生庭教居多庚申十月之望邑侯張公學師王公並以大賓聘先生辭不赴固請乃就席翌日榮謁先生寓適以事公出先生顧榮家時已赴館去是何緣慳遇杳咫尺河山哉越明年予歸卜地有隱七隆七佳氣蔥鬱土人告予曰此升九



公祖妣墓也又指其某邱某向曰此公考及昆仲墓也凡審龍認脉立  
向皆經自手出予欣羨久之具道所以曰公少年數困場屋遂留心地  
理以承先志焉噫榮雖未登堂瞻謁而其生平已畧可觀矣會上冬敝  
族天房有復第合譜之請重煩貴宗長諸君子議合始登先生堂見諸  
孫彬彬有禮先生乃不以榮鄙見而深加引重因出其近日續修家乘  
相示其間紀明支別井匕有條視之他族爲最榮謂法良意美伊惟先  
生殫心經營之功而先生遜弗居也曰諸後生大比在卽不得已與舍  
姪大升輩共襄之老無能爲方獲罪之是懼而何功之有予乃益信貴  
宗人之言爲無欺因序其事爲之贊以深慰積年瞻仰之思云

贊曰臨先人之邱隴知孝思之純明瞻令子之器宇知庭教之粹精  
孫子繩其祖武宗族樂其章程始而仇者生怨繼而怒者心傾人喜



先生之和而不知其介我欽先生之範而並慕其清宜其品行標於  
黌序正直重於鄉評

昔

乾隆九年歲在甲子端陽後二日

愚表姪應世榮頓首拜撰



山空之味而不映其介野地供主之養而故家之氣若其品亦

與泉石其意欲融結

碑記此字雖存學于微細者一日

原其款刻世後更不復



秦丈胡漢章公序

昔漢時三君八俊不皆公鄉郭有道終身不仕人倫東國人豈必以功名顯哉謹身修行鄉里稱善人雖未必有掌綸代誥之人爲之大書特書果其超群出衆表表一時自難湮坳則艸野之士如陳君采吳立夫者必樂爲之揄揚雖偶然染翰其零篇散作流傳人間譜牒後世拂拭出之比綸誥之文乃更珍重人豈必以功名顯哉余於秦丈漢章翁有感焉丈庫川人姓胡氏諱繼煥字漢章其先陳胡公之裔自居吾永來代有顯者丈自幼嘗登孔氏門墻後以家務旁午不獲卒業一經取青紫以成功名于當世用天因地費用益饒樂善好義不欲徒爲樸滿也植根本篤天倫嘗以太翁太孺人棄世蚤鷄豚不逮闕如也又未獲佳城必怒焉如擣歲延堪輿士跋山涉水雖遠不畏後覓吉兆於四十四



都之清塘山不惜重費市焉涓良辰先以太翁櫬瘞之戚族中執紼者如林見其沙屯水繞穴吉龍秀咸嘖七稱羨七其鍾毓當未可量也治家知大體婚嫁以時耕讀分任本分外不妄染分毫岳母程氏君洪公媛淑也君洪公在獨松最有名檢母及笄來嬪理中饋力女紅事事稱職胡氏族談婦道者多稱之得內第三人長光通娶夏氏次光顯出繼胞弟繼瓚公娶程氏邑庠南如翁女次光達娶朱氏邑庠奎五妹俱克勤克儉析薪能荷門庭以內井井有條女二長卽余內子也次適余族厚澤朱爾功亦皆姆教素嫻孫四人俱嶄然見頭角蓋方茁其芽佇看盈堦繞砌耳丈今年纔五十有九愈益謹身修行以表率鄉里諸內弟內姪森七竹立將來事業出衆超羣丈異日歌鹿鳴禮賓筵膺安車蒲輪之召則丈之行誼當必有掌綸代誥之大書特書不一書寧第草野



之士樂爲揄揚哉更無俟戚姬之私諛矣余弱冠賓丈門沐丈教愛因  
華譜重修爰次不斐之言爲序以附儻亦得步鄉先生陳君采吳立夫  
輩後塵乎

書

乾隆九年歲次甲子春三月之吉

子婿毘庠生朱友炳頓首百拜撰



子微與劉主事文誠道首耳我難

碑圖小半漢文甲子壽二月之吉

昔

聖賢與平

華信實效受考不誤之言為身以何辦我難道惟依其則既承其立夫

之士樂為能其辨且無難其誠之既歸矣余感其意夫門於其難其



預祝叔祖君友公六旬壽序

乾隆己丑續修家乘編次世紀適見公六旬懸弧令旦在庚寅季秋望前三日公與余交好欲預爲之祝以載於譜何敢以不文辭蓋其生平閱歷余所稔知有可畧而言之者公諱繼菊字君友天珊公之仲子也幼失怙恃先業甚微公獨拮据經營諸大節皆能盡禮且覓吉兆於前山頭之原而奉二先人以合厝焉年逾弱冠棄儒業事田疇經畫區處莫不盡善其秉性純謹有古人質樸之風語言簡默無世俗炎涼之態尙節儉慎交遊重然諾處昆季之間則兄愛弟敬處里閭之內則安分守己家道雖日就豐隆而自視歆然衣不華帛食無兼味建宅一區額曰慎修此誠制節謹度滿而不溢者也厥配溪田朱氏賦性柔順母儀婦道莫不克盡相夫子同心黽勉懋建乃家



真可爲闔內式舉丈夫子一日發祥爲人循蹈規矩綽有乃父風孫  
男三人長兆潤次兆洪三兆灑具見頭角將必有大其門閭者矣孫  
女二配適俱名門巨族嗣歲秋行見桂子蘭孫一堂拜祝肅肅雍雍  
稱觴繞膝洵足樂也矧由是而耆而大耄而期願寧有量哉今譜事  
忝同佐理言雖不文姑序其大畧如此以爲後之視公者作左券

吉武敘蒲山廬之私而奉二夫人邑庠生從姪孫景輿頓首拜撰

於予也故夫計科夫業其心與計計雖營而大計必歸於道  
坐平則烈余亦欲味言而事之善公善辭其字各以大夫公之  
望惟三日公與余交袂於廬爲之賦以贈其辭曰  
淳劉五在縣外定乘謙志壯跡數良公六世懸輝命且  
與實念海



承二百七十星聚翁夫婦八旬雙壽序

歲乾隆甲子宗祠治譜叔姪輩環坐上下議論指數族中高年適姪星聚亦在焉曰宗祠以胙尊榮八十吾已沾惠四載矣卽詢其厥配呂氏之年姪曰亦八十有一余不覺瞿然起敬曰內外同輝雙瓊並茂人世中有幾人乎汝烏可以沒沒已也姪曰願乞二三言以爲光吁余言何足重哉聞之禮重高年六十者杖於鄉七十者杖於國八十者杖於朝養之宮墻恃以玉杖舖以糜粥優禮之無不備至如此然亦未必其夫婦與偕也若皆夫婦齊眉吾不知其優禮更當何如耶上下千百年之間夫婦之齊德而隱者稱梁鴻稱龐公而史氏又未明言其年數及夫康寧矍鑠之象今爾夫婦同躋壽域耳目聰明四體健順不恃杖而趨不待縻而飫吁人世中無幾人矣夫且克昌厥後振振繩繩一門之內



雍睦著美非所謂身康強而子孫又逢吉者耶由是清心寡慾淡然於  
世味之表勿以物欲戕其真而以寧靜養其性則壽永者德亦至採風  
之使必以之上聞矣將優禮之以昭光寵者正大有人在也而豈必以  
予言重哉

邑庠大賓愚叔寧遠氏撰



恭贈

漢翁胡君序贊

史稱獨行之士而不詳著其目意所謂孝弟力田之外矯也然干青雲  
度白雪度越乎等夷百千萬輩上關風詩下關禮書以行則懿以品則  
端卓然離人而立於獨非特踴也涼也也余嘗忻然思一遇之且暮  
得此於人蓋寡若胡君漢維翁耿介拔俗仗義好施是真度越等夷而  
獨行之士者也秉性正直不苟詭隨不侵然諾自其先大父國序公厥  
考君美公肇造箕弓漢維兄克光先業以振其家聲居室恪遵勤儉之  
古訓以知足爲足其課子恪遵詩禮之古訓以積德爲德其於宗族盡  
敦睦之誼婚姻失時者資助之其於親串盡周恤之誼日用不敷者濟  
貸之至於營宗寢竭誠盡慎俾得構堂而奠焉至於急公輸一川之田



七年之逋捐資墊完起困廢而安定焉非夫特立之見鶴避雞羣未易  
幾此獨其質地剛方面折人過雖庶乎不侮鰥寡不畏強禦之遺風然  
爲見德者所厭心亦時爲見讎者所竊齒昔孔門列士品以宗族稱孝  
鄉黨稱弟爲才節之次今胡君之治家善族秉正不回非所謂超七拔  
俗者耶惜其未實見諸事業不獲鳴其盛於當塗或不盡所長然黃叔  
度爲後漢名儒其事蹟亦不見史傳徒以當時賢豪輩所推許遂光簡  
冊垂不朽後人卒未敢有駁議之者豈以渠未能展事錯采爲有溢美  
耶况兄庭前有丈夫子五皆嶄然見頭角長君殿英曾從予遊嘗從容  
爲道尊人行事故知之詳而詞之備次君幹臣已蜚聲鬢序其成童而  
髫齡者皆如玉笋之初芽置之清風垂露之玉壺焉焉知來者之所以  
大其業振厥家聲者可臆量耶爰爲之序



贊曰

胡君漢翁其輕財似道家之用柔其重義似易家之用剛歛氣好爲其  
圓使材好爲其方此非其身必其子孫遠而有耀者其熊匕之光乎

昔

乾隆九年歲次甲子端陽後十日書

丙辰舉人揀選知縣年家眷弟周景灝頓首拜撰



謝山平憲大甲午年

書

其六其七其八其九其十其十一其十二其十三其十四其十五其十六其十七其十八其十九其二十其二十一其二十二其二十三其二十四其二十五其二十六其二十七其二十八其二十九其三十其三十一其三十二其三十三其三十四其三十五其三十六其三十七其三十八其三十九其四十其四十一其四十二其四十三其四十四其四十五其四十六其四十七其四十八其四十九其五十其五十一其五十二其五十三其五十四其五十五其五十六其五十七其五十八其五十九其六十其六十一其六十二其六十三其六十四其六十五其六十六其六十七其六十八其六十九其七十其七十一其七十二其七十三其七十四其七十五其七十六其七十七其七十八其七十九其八十其八十一其八十二其八十三其八十四其八十五其八十六其八十七其八十八其八十九其九十其九十一其九十二其九十三其九十四其九十五其九十六其九十七其九十八其九十九其一百

書曰



漢維翁胡君贊語

翁德播稱族黨交企公以存心直能秉義勤儉恕慈推恩次第弟姪同  
宗婚娶時值或窘財力聘貲頻施以繁似續以隆祭饋爰構宗祠幫資  
奠位急公尤重戶籍昭然代完逋負身倡各捐非以望報唯勸力田當  
道欣獎匾額高懸或逢歲歉殷勤賑濟或遇爭角殷勤調劑真醇動天  
默祐厥躬童顏鶴髮純氣內充五桂三槐方奮鵬翮應業 旌典酬茲  
德翁匪飾譽言輿論實同

昔

乾隆九年歲次甲子蒲月十日書

年家眷弟暨陽袁粹中繹宜氏頓首拜撰



漢維親翁像贊

孝友之難難於有其實爾若漢翁者艱辛自持恪承先志敦篤伯仲延  
緜紹裔可謂難矣故天鑒厥後兆其子於芹香而爲發軔之始甚至於  
創議建祠捐資逋欠此又嘖嘖人口者今宗譜告成敢忘鄙陋用表實  
德以爲後人之仰止云

在城增廣生眷愛弟徐彬頓首拜撰

莫維親翁像贊



漢翁胡表兄紀略

荀子曰贈人以言重如金石珠玉予賦性迂拙不樂以諛詞貢媚親交然往七於人之生平有善足錄者稱道其實以備一時記載卽或稍溢其詞亦姑以俟其將來未嘗肯誣其既往如表兄漢維翁生平率直自喜不樂求人文墨闡揚其令子長君殿英予旣未獲會近聞其赴都以漢圖進取次君幹臣入學爲弟子員矣亦以地隔未經謀面俱未有以漢翁之文請者嘗卽鄉人之口而畧序之嘉其既往正以勸其將來云爾翁諱懋畧字漢維爲人豪俠好義且有膽氣遇事敢言其平時之繼志述事作室以貽子孫者予不錄七其施濟之得宜焉雍正甲寅年間都中尙餘帶徵數十金非吏書侵蝕卽濫戶掛漏貧民拖累酸楚無狀翁戚然憐之曰有捐三五金襄我者當以一人足納之時族兄奎壁爲翁



所激而捐數金翁轉爲奎壁所激而捐數十金竟代納之數年積逋一  
旦豁免今

上乾隆卽位之四年己未有

旨平天下六則稅糧盡歸民畝邑侯張公傳示紳衿父老而翁與焉從容  
言於前曰明公遵

旨以平六則敢不惟命然愚小人過慮竊以爲此事必不能行夫錢糧戶  
籍久有定額載在憲綱今一旦舉而更張之吾永不有大臣當

朝詎能爲力哉張公雖心折其言然諸紳衿父老多阿意歛金以從其  
後宗族親戚朋友有怨望者而翁獨無所捐亦無所怨辛酉歲飢鄉中  
設廠煮粥以濟而翁則延都以呼曰有肯捐助者率我以來我捐米若  
干石而鄉黨諸長者以翁爲人正直無欺樂襄其事四境沾惠焉其仗



義執言好善樂施類如此抑予聞之于公治獄全活萬人知後世必能  
高大其門閭今翁大厦落成而建樑架棟務大其制一似爲兒孫預定  
其規模者尙其樂善不倦雖不克如于公之因勢利導而翁有財無勢  
第盡我意之所能爲而日積月累其利賴鄉人以垂裕後昆者豈淺鮮  
哉予之言雖不克如金石珠玉他日尙當爲詩歌誦揚盛美爲翁誌諸  
不朽也

昔

乾隆九年歲次甲子荷月六日

松竹廬愚表弟應世榮頓首拜識



林仲凱與表家顯對談勉首其端

蜀山平遠水明色清六月

書

游山

年之旨繼不來晚余亦未正計日尚當為指燈無聲美氣徐轉  
盡意意之河並設而日蘇其原其此應微人以垂容錄其香豈  
一賦何嘗尚其樂書不於繼不來晚于入之因楚沐擊而徐亦  
大其所聞今余大翼亦思而默然然然其端一也其其將建  
其詩言教善樂誠感吸也時予聞之千公故其多語為一映時世



壽胡母應太夫人八十序

自古論婦道之賢者德爲上才次之二者偏重時則有過剛過柔之慮惟德以主才以輔德然後秉持內政剛柔交濟而得正家之道焉若夫家起單寒身開饒裕門庭光大嗣續賢能則又職司閨闈相厥夫子同有開創之任者也倘使德長才短烏能承先裕後振起家聲哉 胡母應太君逮事舅姑其姑爲邵氏賢媛余著永鐸訪諸同譜能備道 太君之孝且賢爰知 太君爲甚悉己丑子月望日

太君八旬令旦仲子廷倬請以余言爲壽余惟精神完固耳目聰明太君一身之壽也一身之壽無庸爲 太君頌卽不待爲 太君祝原夫壽也者不朽之謂也 太君之賢可述者皆不朽盛業宜述之以侑一卮當 太君之于歸也 武三先生爲一介書生資產微薄



慨然曰書生老牖下于家世無益也棄而效計然之策 太君親操

井曰善事舅姑厥後 武三先生往來武陵姑蘓間三十餘年一週

之內家居者三四越月 太君以婦道代子職甘旨豐潔歲時伏臘

極蘋蘩蘊藻之誠細而掌核錢貨部署米鹽往來饋遺等務罔不區

畫周詳舉丈夫子五人皆延師重道教之成立入覺序者二遊辟雍

者一閨秀二人皆適名族結禰之日陸離光燦爛其盈門既而家計

漸豐念歷代祖宗祀無常產遂捐資以垂永久 太君悉贊成之

武三先生又好施予其在里塾中清塾稅課完就姻婭建修梁道賑

濟貧乏善罔不爲又時時爲他人排難解紛千金一諾歸而謀諸

太君 太君卽出諸宮中毫無吝色若此者數十年不倦迄今道載

口碑卽今年八十矣尙以乃父高風教諸嗣君善繼善述是 太君



之相夫子以起厥家德與才皆可以壽千古宜乎孫嗣十一頭角崢  
嶸曾孫三五森森玉立振振者方興而未有艾也己丑冬適際胡氏  
宗譜告成宗黨親串謀所以稱觴者余謂惟 太君之德 太君之  
才 太君之壽而乃不愧爲女宗師若夫元鶴東來王母西降言非  
不華麻姑晉爵安期獻粢文非不美而總不免爲祝頌之虛文皆所  
不取也請以此言質之 太夫人其以余言爲然乎是爲序

書

乾隆三十四年歲次己丑黃鐘月穀旦

文林郎候補知縣署金華府永康縣儒學教諭

餘姚邵是栴頓首拜撰



文神流新於湖海今華秋氣肅清翰墨意滿

詩書五子以爲法也其質實且其意也

不煩也第以故言變之

不華意散四猶坐殿雖以文其不食爲所

本一太極文書而代不則爲文其由詩夫

樂會於三正氣森正

大觀夫子以既

大觀夫子以既

大觀夫子以既

大觀夫子以既



允菴胡老年翁序

正雅有云世德作求貴前承後繼也頌之雖曰克昌厥後貴人事合天也聖人述詩教正以興起後人推而至於鄉里黨族莫不有隨宜激勵允協於詩所云者茲於允菴翁而益信翁族自宋迄明著名邑乘者不勝贅聞翁近祖源泉公醇德樹基曾祖若唐公克光厥緒祖爾錫公雋才碩學經濟裕如生四子號琢齋先生者居其二卽翁父也嘉言懿行詳譜系中翁一一遵承唯篤其恢闔德器增益前徽者正未有艾翁孝義性成賦姿醇厚康熙壬寅遊泮水雍正癸卯列明經癸丑修二十二世祖祠乾隆元年因祖山有侵界者構訟獲理至癸亥復新寢室以次告成又庚申建一十五世宗寢身任攝理兼捐輸所不足且同族諸要務必爲裁處公平敦宗誼也翁尊人注意宗譜哀集而未付梓翁力任



焉自雍正壬子迄今甲子偕族人盡心綜理乃得鐫板裝帙告祭竣於  
祠繼父志也翁之敦倫睦族雖不止此皆足以佑啓後人者元配應繼  
配李俱名門淑媛令子六次廷珣四廷珩已受知宗匠英年采芹餘皆  
循蹈矩矱綽有宗風每嘖嘖人口行將昌大門閭光昭祖澤寧有旣乎  
翁年方及艾歷練精能前有承後有繼秉純德以格天心應必有信而  
可徵者爰爲之叙其概云

昔

乾隆九年歲次甲子清和吉旦

鄉貢進士永康儒學掌教暨陽袁粹中繹宜氏頓首拜撰



恭贈

升翁姊丈胡先生序

人之言曰農之子恒爲農士之子恒爲士其理固然然書香一脉綿延弗替者實難之其四壁蕭然既有志弗暇則所望在素豐之家乃或則利事秋毫惟知錢守甚者美飲食服御縱其子弟遊戲徵逐以爲豪舉更不識詩書爲何物嗟乎俗情如斯其以簡策爲箕裘以筆硯爲田宅以誦讀爲世業者彌難矣故吾於君不能已於言也君厥

考庠生親翁琢齋先生爲人恬退不求聞達於書無所不讀尤工於詩七淡遠清雅得陶柳之遺是其家學淵源爲有自矣君穎悟過人而性嗜學年二十餘補邑庠未幾成鄉進士其所以飭躬砥行與夫詩文一以厥考爲法而於課子尤加嚴焉父子之間儼若師徒次甥琪玉甫成童



而入泮四甥璫玉方弱冠而采芹難兄難弟英匕競爽君之報也君之  
貽也將來又寧有量哉然則君之牙籤萬軸汗牛充棟者勝於世之田  
連阡陌千倉萬箱也君之學富五車識窮二酉者勝於世之積貨居奇  
黃金兆斗也君之焚膏繼晷口不絕吟者勝於世之牽車服賈僕匕關  
津也今君之書香聯蟬世濟其美鯉庭焜燿鳳毛翥采上之有光於祖  
宗下之流芳於奕禩如君者可不謂一時之模楷與彼志在溫飽積金  
遺子孫者聞君之風夫亦可以爽然失慨然興矣愚與君爲劉范之好  
稔知君且慕君重君妄意效君故贈之以言如此

鄉貢進士芝山眷內弟應芳桂頓首拜撰



允菴姪五十壽序

甲子春族修家乘綜理者初擬三人大阮升九小阮大升忝亦以余輔外定二十四人分輪董事開局于大宗祠是歲予糊口別村不能朝夕在局或數日間一至其殫心悉力晨而往夜而歸者惟升九大升是任焉後當五日予復至局中適見大升覽揆初度在乙丑仲秋之下浣五日予笑謂大升曰阿咸明年五十華誕耶大升曰然忝際知非矣是時董事者咸在合詞曰言譜牒中傳贊壽言例得登載茲大升懸弧令旦稱觴在邇盍爲文以爲之壽而載之譜乎余辭曰壽大升者必得名公鴻文善頌善祝斯可以垂無窮光家乘如余鄙陋是何能爲卽爲之亦何足重衆復曰其二子指日飛騰秉如椽以祝南山者固自可待第今譜事將竣請必弗辭因惟余與其家友好已歷三世自蒙乃翁琢齋先



生愛周旋常密故大升生平懃行致福之由誠有歷也可言者其人夙  
擅英敏少卽能讀父書善屬文弱冠補博士弟子員益自奮勵揣摩屢  
戰棘闈以數奇不偶乃援例以入籍成均爲鄉貢志仍未怠也緣先生  
善病不忍暫離由是絕意場屋惟依也奉養先生言貌溫醇性實嚴毅  
卒難得其歡心大升常侍甘旨病進湯藥必百方委曲以求其歡而食  
飲焉始安如是者有年畧無倦色是真能以親愛子之心還愛其親者  
也及至喪葬竭誠盡慎靡所勿周是其孝足式也其處諸父昆季恭順  
循禮式好無尤是其弟長友愛足稱也其於戚儔友朋情誼備至平居  
周人匱乏助人喪葬緩急相通無吝情無德色是其睦嫻任恤足風也  
他如修造祠塾捐創中庭建寶一公享堂資助董理督緝宗譜以成  
先志倡捐義學以惠後生未嘗辭勞惜費其生平懃行章也如是天行



德之著也德福之本也既備德於躬宜其遐福之降有如日升川至者  
故登服官之年康強逢吉家室有螽斯和集之休庭堦有蘭桂競芳之  
美嗣子六悉遵義方之訓循蹈規矩祇服其事以悅親心若珪若琮若  
瑀牽車藝黍貨殖粟紅若珣若玕業紹詩書早已蜚聲鬢序幼甫十齡  
穎異尤超衆諸子環列承歡養志諸孫繞膝皆克岐克嶷一門之內肅  
肅雍雍萃太和之氣福何如之且築致遠堂以燕翼貽謨構南軒垣園  
鑿池以怡情樂志卽其日課或與交故坐談今古或展閱圖書或灌花  
拂石或觀錦鱗游泳或登樓觀稼或仰而望山或俯而聽泉起居無時  
惟意是適詩曰泮渙爾游矣優游爾休矣俾爾彌爾性由是而杖鄉杖  
國進耄耄登期頤福方興而未艾皆其德之所致有可必者余之祝大  
升以此若夫名公巨卿大筆鴻文則俟其二難折今秋月殿之桂觀來



春上苑之花登金門上玉堂翰苑班僚固必有爲其親祝者於是攜其  
金書玉軸錦衣歸而介親壽余且從諸宗長後奉觴而讀其華詞因以  
見余言之不文而共爲譁笑以作佐觴之一品可也衆曰大升之以德  
致福者子言大略備矣其在多乎哉乃書以爲康酌之侑而載之譜云

乾隆九年歲次甲子中夏吉日

庠生叔瑞麟素菴拜撰



致遠堂允菴翁序

蓋文者行之表也實之所由著也故務實行者必得其人以文之斯可彰於世而傳於後允菴翁者務實行士也於予爲從兄弟與予同筆研生平務實勝不求人知予性拙魯深愧未及道翁之實以表翁之行也今年春予父理譜事翁亦同心協理焉其四子廷珩從予遊一日請曰父積學制行先生素所知也孝友成性愛敬交孚處鄉黨中爲老成長者所器重肩任公務以尊祖敬宗爲心仗義輕財以濟人利物爲念皆先生所耳聞而目見者至宗譜一事先大父叅閱筆削幾易寒暑父從旁攷訂編次及今鋟板告成與有勞焉懇先生一言以光譜牒予思表揚善行者必經名宿之手否則縉紳先生爲之吹噓始重千金予言何足爲翁重雖然翁之行予知之安得以不文辭翁諱宗岳原諱家猷字



大升而允庵則其號也幼折節讀書思穎過人方壯補博士弟子員蜚聲黌序以明經貢舉登名天府後以尊人年高退而治家政卓識明見有老成練達之才且恂七謙下與人務自抑損才美而不矜所長洵斌斌文行君子也舉丈夫子六若珣若珩善讀父書甫弱冠已遊泮水將奮翮天池未可量也孫男四人嶄然露頭角嗣歲乙丑八月爲翁五旬初度年德轉升象賢濟美班衣戲彩桂馥蘭芬子姓森羅拜祝稱觴和氣融溢藹於一堂可以見世德之樹基也遠矣翁向嗜青烏家言及星命歷象陰陽之書無不披覽融貫登臨山水通邑之形勝名區足跡幾遍爲人卜藏選吉倦七匪懈向居慶餘堂聚族稠密後別創新居遣子獨處一所恐兒孫習於豪侈故額其匾曰致遠以示寧靜之意遇公事職有難辭者斷不托故退諉乾隆庚申鼎建 寶一公享堂翁捐所有



以倡貿材鳩工經始落成初終一致紹衣祠爲蟻患勢將傾頽常貯不  
敷翁多方委曲修葺而黜聖之不失前人創垂之志諸如此類不可枚  
舉至於賑窮乏恤孤幼推仁利濟特餘事耳翁固以實行爲務也抑予  
愚之翁之父琢齋翁宿學名儒也予幼爲翁父所器時得近侍凡所言  
及皆樸實無虛話晚年著有井波集無非教後嗣以實行居多今翁爲  
人如此其子又如此琢齋翁九泉下詎不曰予有後勿棄基乎然則翁  
雖韜光歛迹不欲自表於世而實大聲宏行篤名彰知有必愛翁慕翁  
欲效翁而不可得者請以予言作左券可也是爲序

書

乾隆九年歲次甲子病月蘭亭修禊日庠生弟如曠曉菴寅序於溪干

之寶一公享堂







允菴胡先生贊

速營菟裘吾將老焉陶潛栗里王維輞川室中何有有書左圖右  
史朝夕與居陰陽五行其理不爽得意忘言忘象茫々堪輿俯仰  
無垠君也視之渺若一塵姬姜在御封胡在列顧而樂之喜動顏色有  
書可讀有田可耕蝸角虛名吾誰與爭堪嘆世人浮生碌々利鎖名韉  
難逃拘束君知道者歡然神足上接松喬下追綺角

眷同學弟程開發頓首拜撰

表兄胡大升先生行樂圖贊

瞻君之貌卓犖魁梧緬君之行冠冕鄉都紹庭繼序肯堂貽謀精研經  
史旁及堪輿德性君子幹濟丈夫髣髴當年之長孺抑似于今之老蘓



愚表弟應世榮頓首拜撰

大升先生像贊

庫山深處有人如玉汪度丰姿清標芳躅淵明賦曰歸來老子知其止  
足問渠何事耨史耘經問渠何好對松看竹林泉適志而徜徉花木清  
疎以娛目時啜一杯高歌一曲居則宜閑樂亦唯獨睹此巋然而端坐  
者特形似之彷彿耳若教寫出本真還能浣盡俗塵萬斛

宗人宗璧頓首拜撰

大升老舅胡先生贊

志功名者徇利祿樂退隱者安林麓孰若先生資學兼優品行清淑霽



月光風春蘭秋菊適志琴書閑情松竹一經課子象賢式穀趨庭詩禮  
煥文章繞膝桂蘭承彩服伊惟先生樂其道全其天而誕膺夫多福

眷弟徐 梁頓首拜撰

允菴胡先生像贊

丰度凝然道貌巍然端坐兀兀音容與笑貌而並研神似哉允菴翁之  
像乎然文章道德有非僧繇道子之所能寫者故余不辭鄙俚而樂爲  
之傳其優於所學也道飲六經文食三史舉夫諸子百家陰陽歷象無  
不考覽而精研其安於所遇也早遊泮水長列明經乃安樂名窩淡然  
世味而適志乎邱園其創建之宜也堂構聿新樸素雅潔華峯仰止北  
麓南溪斯規模宏遠實開百代之蟬聯其燕貽之美也傳經哲嗣兩蜚



夔宮雁序六賢封胡羯末且孫枝盛茂喜看蘭玉於堦前至若義嚴取  
與千金不遷性貞然諾歷久彌堅愛人下士禮接時賢情慤寢廟功著  
豆籩纂修譜牒啓後承先屈指數之而難盡夫豈傳神寫照之能以偏  
幅全獨是有千古之盛德者必留其容於百世曾不若畫者圖公於像  
而傳公於瓜瓞之綿七而余乃爲之歌曰家之興隆丕昭令德氣象恢  
宏紀綱整飭有開必先偉人天錫王氏晉公三槐手植積厚流光遺休  
燕翼桂蘭相承百祿蕃殖慶衍後昆雲仍不息

昔

乾隆九年歲在甲子五月長至日

眷世弟程開臚頓首拜撰



允菴胡老年翁先生圖贊

貌古而清神靜而穆經史便匕文詞郁匕遊覺序而冠明經樂林泉而對松竹龍德而隱雞養而木厥嗣六人朝耕夜讀誇雙鳳以飛鳴看丹桂之芳馥更喜蘭玉盈堦分甘娛目所謂富壽多男協乎華封之祝思先生之所以貽孫子兮詩咏君子之有穀

年契弟王元瑞頓首拜撰

升翁胡先生贊

神襟凝遠德宇和平龍文鳳質經術通明擅匡時之偉略標瑞世之幹楨乃登姓名於京闕而閒邱壑以怡情箕裘紹業華構落成祠寢修創宗務經營傳經哲嗣業已弱冠蜚聲難兄難弟斯且發軔鵬程孫枝繞



膝奕葉敷榮謝庭玉樹頭角崢嶸蓋實大聲宏萃川嶽之精英宜爲鄉族所罕匹而冠冕於儒術

眷晚生應岳成頓首拜撰



秉良公七袞榮壽序

公諱家馴字秉良世居庫川邑庠生睿思公仲子也余初未識面而夙慕公名及甲申公幼子景軒從余遊獲覩公道範古貌古心蒼顏白髮心甚欽之時年已六十有七矣而步履猶如少也丁亥夏景軒遊庠是歲十月十五爲公懸弧今日安人應氏又與公同庚舉案齊眉良足樂也諸君子咸爲公慶謀製錦以祝備述巔末請序於余余按公生平稟性醇謹事親以孝聞處兄弟宗族間怡怡然無疾言遽色至于良朋聚首永日言歡又有古豪俠風焉公幼習儒業通經史老師宿儒鮮有不過而問者顧絕不爲功名計決然隱處山林曠懷自適將易所謂不事王侯高尙其志者公其有焉至若課子之勤義方之訓而乃子得以早登黌序者公之教也公素好施予見人匱乏



輒賑貸不吝遇歉歲亦周濟不遑其德之及人又如此邇年來家事盡委諸子朝夕遊歷山水怡情適性歸則含飴弄孫玩花觀魚其樂何如哉堦前三子長曰景輅次景範三景軒崢嶸出衆孫男五人曾孫一人亦嶄然見頭角俱延師訓讀不輟則公之所以壽其後嗣者又可於茲卜之矣夫公以七旬之年而矍鑠如是難矣且子孫繞膝芝榮玉秀尤不數數覲也況乎厚德如斯安知天之報施善人者其子若孫不更有光大其先業者乎壽一身以壽百世其壽于以無疆焉余不才敬從諸君子後拜手而進南山之祝

祝曰既富而壽兮壽且康終身好德兮樂無央錫汝五福兮知帝心其不忘 昔

乾隆三十二年丁亥十月

日

珠山王方顥頓首拜撰



太學生大儲封雲章胡太翁序

士莫先於立行古聖王以六行教民曰孝友睦婣任恤求其兼全而無憾者蓋少自兒叨館甥於庫川胡宅屢稱太翁雲章公之爲人不禁恍乎遇之公丁年失怙卽能繼先人緒而大其模開疆拓室大厦百楹苞如茂如扁曰遺安書稱肯堂肯構翁之謂矣事母程氏色養無違九旬壽終殯葬如禮禮稱致樂致哀翁之謂矣其友愛也女兒弟二不免有式微之歎公則撫其遺孤周其困乏分屋居之分田種之至今各能自立門戶抑且寢熾寢昌雖薛包之分財賑恤何以加諸其睦族也鈎鉅不設於心雌黃不出於口望之似泰山喬嶽就之則霽月光風人有緩急悉力相助事關倫紀挺身直前交易寧出浮於人贈遺必己厚於人蓋王彥方之端嚴疏仲翁之娛樂兼而有之



至若親戚相維以誼朋友相接以誠道合志同投如膠漆言浮行僻  
舛若參商不重富而輕貧不喜新而厭故古所稱道義交者於公有  
焉好善樂施賑窮濟乏助社倉倡濟橋其顯著者可不謂廣乎凡此  
皆其行誼之昭昭在人耳目而見得之於所見生得之於所聞者也  
且每以少承家務不獲砥志功名爲歎雖名登太學尤期取償於後  
人義方啓迪有古萬石君之家風故令嗣芳友翁由府庠而議叙恩  
貢長孫鍾靜君亦弱冠而蜚聲泮林丹誥馳封行可翹足而待矣生  
自愧不文何足揚贊萬一茲聞續修譜牒聊爲庠其梗概以附於末  
簡亦以表高山仰止之意云

書

乾隆三十四年歲次己丑陽月之吉



眷晚侍教邑庠貢生王永言頓首拜撰







預祝雲章叔翁七秩壽序

嘗讀洪範五福之疇一曰壽二曰富三曰康寧四曰攸好德誠以壽而後可享諸福亦惟德而後能福壽也然求其兼全者古今來恒不數數覲若太學生 雲章叔翁其兼全者乎予試列而詳之凡人

或苦於不壽卽壽矣而或資生之無策日用之不給非福也叔則擴先人之緒廣肥田造華屋倉有餘粟家有餘財可不謂壽而富乎夫富而身不康心不寧亦非福也叔則身躬強健耳目聰明心神恬靜或接待賓客或披閱鑑史或治家事或課孫兒樂此不疲人皆曰矍鑠哉是翁也可不謂壽而康寧者乎至若古道炤人覩凶歲之堪憐樂助社穀憫行人之病涉首建濟橋待鄉黨中以恩相與以禮相接其好德爲何如耶夫德者壽之本宜乎叔之得壽以集福也况克昌



厥後桂子遊庠因捐賑而議叙貢元長孫濟美方弱冠而蜚聲贊序  
蘭玉盈堦孫曾迭秀丹誥馳封應可計日而待矣夫以叔之福履咸  
綏若此吾知進於耄而未已也又進於耄而猶未已也又進於期頤  
而猶未已也詩有曰如日之升如月之恒如南山之壽不騫不崩如  
松柏之茂無不爾或承吾將爲叔祝矣明年庚寅之秋八月望後九  
日爲叔七秩之辰是月也金風淡蕩玉露呈祥桂花香發飄翁之堂  
銀漢麗天映翁之室舉案齊眉兒孫饒膝叔也顧之喜可知矣又何  
必鼓雲和之瑟吹震靈之簧擊湘陰之磬奏霓裳之曲而後愉快乎  
哉茲因宗譜續修預爲壽序以致拜祝之意云

昔

乾隆三十四年歲次己丑菊月上浣之吉



愚姪增生雲衍頓首拜撰



Blank columns for vertical text.



預祝 雲章胡太翁七旬壽序

歲己丑八月旣望偕同人遊於壽山之下低徊久之喟然曰宜哉其以壽名也或曰壽豈有道乎予曰如之何其無道也尼父云仁者壽仁卽壽之道矣而不見我雲章胡太翁乎彼其直立不阿樸誠無僞一如茲山之巍然挺拔卓然堅凝者仁之見於持躬也利害不以動其心物欲不以撓其志一如茲山之五丁鑿之而不磨風濤撼之而不震者仁之見於涉世也桂蘭繞膝寵而不驕粟帛盈庭富而好禮一如茲山之吸雲霞籠日月沐恩光而不炫者仁之見於處境也樂善好施積而能散謙光卑牧和而易親一如茲山之生草木居禽獸溥美利於不言者仁之見於接物也其性貞其神定其養邃其用宏率是道也不知年數之不足彌覺歲月之悠長故今年近七旬行不



持杖坐不垂肩耳能辨遠音目能識細字童顏兒齒皓首龐眉蓋儼  
然一老少年也則山曰壽山翁亦曰壽翁不其宜哉又何必明吐納  
之術習丹籙之奇而後如錢鏗菊潭之永年乎哉維時山谷響應如  
聞笑歎之聲抑若契予爲知言者來秋是月望後九日卽翁七袞之  
辰爰預序其巔末以還質於翁知翁亦必含笑而領之也

其昔

龍飛乾隆三十四年歲在己丑小春 穀旦

孫壻庠生王 純百拜書



胡太母程安人暨岳母徐安人雙淑序

從古壺範之隆首推周室其在詩曰思齋太任母道也思媚周姜婦道也太姒嗣徽音則百斯男妻道也繼此若乳姑以誌孝挽鹿以明從韓氏之丸熊侃母之歛客要亦家稱一人人傳一事求其彼此具美而後先輝映者彤管緗編缺有間焉若我太翁母程安人暨岳母徐安人其殆閨帷中之作述乎太母系出文恭夙嫻內訓歸于望族允式姆儀潔修隨供甘脆善事姑嫜抱痺疴而待哺者幾餘載拓田園宏堂構勤相夫子勞靡室而夙興者數十年遣子從師則燈火時繼延師課子則修脯必豐無俟徙遷而業正不煩斷織而學成莫不曰此孝婦也令妻也賢母也斯其盛矣乃岳母之虔執婦道其孝養也同克全妻道其代終也同培燕山之桂榮發連枝樹晉國之槐秀



生數幹其義方垂裕也靡弗同夫詩咏嗣徽而獨美多男誌難也今  
之熊羆迭夢旣慶麟趾振振樛木垂恩更廣螽斯蟄匕詎非太姒再  
世而不可於尋常巾幗求之者哉至若粟帛充仞麤糲不嫌於口體  
吾知其儉也婢妾趨承紡織不懈於燕居吾知其勤也賓朋過訪而  
斗酒待需得諧投轄之雅吾知其才也戚族相求而緩急有濟必遂  
指筮之仁吾知其惠也外言不入內言不出雖日酬庶務而庭除之  
際聞若無人吾知其貞靜而幽閑也純忝屬館甥誼存半子令儀令  
德知之最詳因得臚陳其概爲閩內模以當曹大家女訓十二篇

昔

乾隆三十四年歲次己丑良月吉日

孫壻庠生王純頓首拜撰



堂兄雙壽序

嘗讀書至洪範篇九五福一曰壽難之之詞也而繼之曰富曰康寧好德則更難矣若乃均集其全又獲齊眉之慶不尤難乎吾於堂兄有取焉兄行承四百六十七諱茂今字從周曾三百三十五迪翁之幼子少年讀書及長改業篤理田疇紛華靡麗有所不事治家勤儉克積饒裕財用有餘男婚女嫁子平原了置屋業廣田園能創守以垂後嗣凡吉凶弔慶莫不周旋不得謂非富者矣年近古稀大宗春秋請主祭拜跪升降從無倦容高曾遠祖清祭無不到墳標掛至家庭祭祀請主獻盃必自親臨今壽踰杖朝目明耳聰飲食如故步履若常不用鳩杖非康寧而能若是乎語其生平堂上椿萱年臻耄耄而晨昏定省服勤不衰及後仙遊哀毀踰禮卜吉于畫眉巖之原而



瘞玉焉尤篤友愛兄弟怡怡訓子孫率循規矩親朋往來禮儀卒度  
以云好德兄其無愧矣淑配世雅夏氏內助賢良奉公姑和妯娌休  
聲外著今兄八十有二嫂八十有三白鶴與紫鸞而呈瑞木工全金  
母以齊輝古今來所不多覲者兄以一身集其全宜其沐  
皇恩欽賜冠帶榮身有光于鄉黨子二孫九曾孫一俱務正業無有踰閑  
振振繩繩將來發祥有自女二長適象珠徐次適南宅呂皆名門云  
余老矣年將及耄筆硯久荒不能繪九老歌九如遠引蓬萊之島海  
屋之籌富麗爲工致其頌禱請以九疇之五福爲兄祝

峕

乾隆五十八年歲在癸丑仲夏月望後三日纂修宗譜

堂弟如殷拜撰



堂弟商宅序

古者鄉舉里選遞升司徒而後貢於王廷雖詩書禮樂肄業及之原其孝秀命名實以德行為先吾堂弟如殷字商宅號遷菴曾三百三十九三伯父之子也伯父生平內外如一素積善行族內不論老幼恒以忠厚長者稱之伯父艱於嗣息至中年方得弟如殷珍而愛之如掌珠庭玉惜天不假年伯父伯母一齊謝世不及親翼其成呱呱而泣怙恃無人幸二伯父撫而養之如同己子叔父代理家政以恒情論少年血氣未定易卽於荒弟童時獨超然於末流之外不隨俗俯仰視伯叔如嚴君焉及從予學卽毅然立志尋向上去三更燈火不憚寒暑於書中痛自揣摩有時撫心長嘆恐落人後以不能光顯前人爲慮其立志之矯矯如此乃有志者事竟成乾隆辛酉科試受知於學憲鄧公擢爲第一



領袖羣英且標其文曰博大昌明意其健翮奮飛一舉而鵬程萬里矣  
迨赴秋闈不遂所願其邁往之志固未嘗少挫而事務百端纏身兒女  
子之情又牽掛雖不甘遽然廢業功實不暇爲不得已於甲子春援例  
登於明經豈其本志哉然古人有三不朽昔范文正以天下爲己任王  
孝先志不在溫飽非常事業未可猝辦要在立志之有素而進身之地  
非所論也予先世忠厚傳家代有隱德課子弟先德行後文藝祖父明  
訓昭昭具在無念爾祖聿修厥德固于予弟畧見一班矣而正不可以  
此自畫也年富力強正可大有爲之日從此更能奮志砥礪思與古人  
爲徒搏扶搖而上之展經綸以承先志垂統緒以裕後昆則跂予望之  
矣吾弟勉旃

乾隆甲子夏望後八日見如曠序



遷菴胡太翁序

古來特立之士其處始境甚嗇而天之所報之者亦甚隆無他艱辛  
坎壤玉汝於成有由然也庫川稱山水奧區多奇偉士自有宋徙居  
茲土代產文人尙矣抑我 太翁更有異焉翁名如殷字商宅別號  
遷菴高古簡亮一特立人也厥考翼佑仁公妣應氏源厚而潔生翁  
適符奇數不以多貴惜乎未及承歡纔八九歲許而椿萱相繼逝矣  
一孤如朽易拉不能敏植是懼然而吉人多佑翁家尙有二伯武功  
公與四叔升九公交相扶持視之猶子及長遣就塾大抵葆固其天  
真俾爲繼嗣望乃翁勵志篤精學與年進荷 學憲鄧公擢爲第一  
詩曰青青子衿二十七歲賦焉已而二伯翁四叔翁年皆垂髦倦勤  
翁以內外事旁午牽率應酬遂舍牖下業例入明經實非其志時



縣尊嶺南黃公顏之曰藝林名宿豈虛語耶翁方正有矩度絕不爲  
豪侈態平居夙興夜寐卽言笑無所苟謹書徽國公家訓一幅懸示  
中庭以此肯構肯堂箕裘丕振蓋兢七乎以先人爲念實有承志之  
思焉朝夕間斗酒自奉而甘蔬茹薄不樂奢華見一切世俗玩好輒  
曰此豈王謝家物耶急持去毋溷我家聲也至於睦族奉先未嘗惜  
費於貴祠特倡謀新之法慨然樂輸事事有備且積理公慎不避嫌  
疑用以增光俎豆寧儉其身無儉其宗貽謀垂惠思及無窮其識趣  
遠哉若夫趨人之急凡哀榮恤匱無靳宗黨親戚常待翁舉火或婚  
喪仰給於其家其濟人利物類此族中人多禮重之請主祭爲前人  
慶聞者皆榮焉而翁惟以德自勵厥後尙謝不敏殆謙尊而光不敢  
自伐者歟翁達尊七十有九矣年彌高德彌邵晚歲來諸緣盡息但



爲善孜孜唯日不足司馬溫公所云積陰德於冥七之中以爲子孫  
長久之計翁其有合焉嗚呼若翁者可以風矣淑配程氏端默慈祥  
性尤孝謹未獲逮事公姑而於諱日誕辰薦羞盡志或孩童有觸並  
無諱語怒容噫以翁之孝先若此而又有太孺人以佐之倘所謂偕  
德者非耶翁有所行必與太孺人謀太孺人四德兼優往往發翁所  
未及其治家勤儉卽敝帚不得棄田產日益饒矣猶常衣故敝衣齊  
眉近七十年內助之功雖古敬姜何以加是語曰仁者必有後宜哉  
舉丈夫子三長憤卽開之丈人翁也以孝悌力田爲務宗人咸欽仰  
焉次恂習儒業博極羣書兼通堪輿星象諸家言但不尙虛聲專務  
爲己三恭邑庠生有聲鬻序女子子二孫十七孫女四曾孫六玉茁  
蘭芽方興未艾天之報施或於是乎在開忝列東床得叨末光且與



令孫寧浙寧淵輩遊知之甚悉因特表其梗概以爲世勸

峕

乾隆五十八年歲次癸丑五月朔日

在城孫壻邑庠增生徐紹開頓首拜撰



恭祝

從叔祖商宅翁先生大人八十壽序

歲癸丑<sup>堂</sup>從伯叔弟姪輩同修譜事一日見商宅翁第行咸相謂

曰明年七月五日爲翁八旬大慶當製錦稱觴盍先獻一言爲

翁壽其三嗣君克恭時亦在局辭曰諸君盛意但吾父遵程子人無

父母生日當倍哀痛之訓不肯以慶祝傷心無已請質言之弗諛於

詞俾登家乘可乎衆以屬於<sup>堂堂</sup>惟上士壽德下士壽名<sup>七</sup>者實之

賓德者名之準箕之疇曰九五福一曰壽南山之詩曰愷弟君子遐

不眉壽華封老人之祝曰富壽多男子若是乎德至者福全其理一

也今欲爲翁祝後生小子言何足爲翁重從伯叔曰否夫人有以

文重者文不以人重乎如翁者卓然自立士也至性過人與物無



傷幼失怙恃撫養於伯父武功叔父升九二公髫齡卽能有志向上  
比長從兄曉菴先生遊學爲文有清氣不失先民矩矱塾中多以大  
器期之弱冠應童子試未售或戲之曰何不遊太學以理家政翁俯  
首曰某非薄此古人雪案螢窗欲何爲也乃刻苦勵志潛究四書五  
經旁及諸子百家無不綜覽年二十七 學憲鄧公拔置邑庠第一

時伯叔喜溢顏色曰汝今可以慰我矣吾幸汝父有子矣赴棘闈弗  
展所志喟然嘆曰丈夫進不得志於科名退必有自見于鄉里遂援  
例入成均而以承先啓後爲己任以故宗族戚里美舉賴之顏其堂  
曰承志示不忘也德配程孺人年近古稀徽柔慙恭善相夫子凡有  
創置多所贊襄初 佑仁公之得翁也年已及艾 翁方十二齡而  
母卽世踰年而父亦終翁每以不克終養子職有虧爲恨故遇四時



祭祀不任僮使備物必手自親焉奉伯叔武功升九二公極盡其道  
後二公捐館哀毀如喪所生計翁一生自少而壯而老而耄耄處鄉  
黨和而有法經理家政務以勤儉自將銖積寸累迄用有成而豪取  
智籠一切不用故無怨惡於人先是庚戌之歲

萬壽單恩翁膺引年之典今年七十有九年益邵養益粹靈椿特起玉樹  
翩七桐枝濟七吾知海屋之籌頻添龍章之錫載洊自是而期願建  
百歲坊昇平之瑞不可預必哉抑聞之數起角亢列宿之長故曰壽  
又曰壽者酌也壽有短長由養有得失翁之壽翁之德也謹叙其生  
平以爲翁祝且系之以詞庶幾比于文以人重之義云耳是爲序

詞曰八十稱觴何所祝笑指南山歌一曲庭前無個不崢嶸耕播  
穀書能讀舍此知非公所欲 賀客登堂齊可福八百春秋桃正



熟佇看鳳誥日邊來舞綵服輝華屋霞杯願進甘泉菊

右調天仙子

出

乾隆五十八年歲次癸丑夏月之吉

從姪孫紹堂頓首拜撰



補祝昌姬叔七秩壽序

人生七十曰古稀余惟上古之人稟質最厚不役志於功名不分心於貨利則內有以養其神而外無以勞其形宜其優游泮渙以臻於耄耄期頤而不可勝數而乃以七十爲古稀則甚矣壽之難也而不知非壽之難七乎有德耳族叔諱昌姬鄰居相去里許知其生平孝養父母友愛兄弟人無間言尙樸素不事奢華勤於耕種財用饒裕遇公事慷慨樂輸從無鄙吝至於爲宗長積貯祭資公正無私一切興工修造身任其事始之終之勞瘁不辭而且排難解紛人皆允服無有非議之者配程氏有懿行繼娶黃氏並著賢聲齊眉有慶舉丈夫子三孫男七人桂蘭繞膝歲庚戌年七旬沐

皇恩欽賜頂帶榮身族中登堂稱觴暢飲盡日適余外遊未獲叩祝越今



又三春矣而耳聰目明精神矍鑠望之猶後生等是其壽尙未有艾也諸昆弟以纂修家乘乞余補祝余思有德必壽叔之壽德之所致也功名貨利視若淡然則優游泮渙由耄耄而期頤皆可於德決之則以斯言爲補祝也可爲預祝也亦無不可是爲序

書

皇清乾隆癸丑端陽前三日

姪廷珣拜撰



伯和叔六泰壽序

族叔諱茂愷字伯和徙居於張塘灣叔祖庠生諱聖祥字瑞麟公之子也叔祖妣章氏繼羊氏以戊申年而生叔越數月公遊京都六載而歸家無擔石卓犖自命氣概激昂素爲縉紳先生景仰惟叔能繼志恪守庭訓彬々然有乃父風丁未秋歸視余曰姪年幾何余曰七旬矣叔年幾何曰六旬矣乃出其所自叙生平以示余々不禁喟然嘆曰有是哉何叔之艱苦備嘗而能卓然自立哉夫以弱冠失怙恃訓蒙於光瑤習岐黃開張於縉邑形單影隻糊口四方三十歲之景况如此自是銖積寸累買隙地以作墳塋構數椽而蔽風雨聘支氏以爲妻就支家以爲舍四十歲之經營如此歲己丑續修宗譜共襄厥事及披閱墳圖以考妣未得牛眠歸而謀諸孀氏覓地於金斗至



癸巳而封塋其於佳城誠有大費心力以圖安窀之孔固者至於爲  
宗長矢公矢慎無徇私偏倚癸卯春宗寢傾圮庀材鳩工與有勞焉  
亦可謂慎終追遠尊祖敬宗者矣舉丈夫子三日正日修曰齊女四  
長適幼在室男耕女績澹泊自安此四十後至今之閱歷也日月  
幾何而花甲已週矣追溯往昔將弔不暇撫懷今茲差堪自慰此其  
自叙之意也嗚呼異哉非真艱苦備嘗而能卓然自立者哉而余乃  
爲之歌曰人生行樂兮貧賤何傷立身行道兮後世名揚今余杖國  
兮叔亦杖鄉際此高秋兮丹桂飄香物有惟時兮共稱巨觴酒旣辭  
兮壽而康夫何限乎三萬六千場

姪廷珣拜撰



兄德載序

兄號秉坤字德載諱景輿亦昂翁冢嗣睿思翁元孫也紹清白之傳承詩禮之訓敦倫紀重信義爲余族楷模鴈行有三兄居長生而穎異弱冠遊庠以父痺病奉甘旨扶起居依依床第間不離左右者數年而舉業棄焉迨失所怙痛父之喪食不下咽嘗以不得供子職爲憾一遇諱誕祭奠涕泣哀慕如初其事母也修定省勤清問先意承志禮無弗盡處諸弟怡怡序樂分財產不較量待手足之情如此至於門庭以內事無巨細一一調劑無分毫或爽人皆服其才識况志趣高邁與人無競卽有非禮之干兄嘗自慰曰寧我容人毋令人容我見人有不平之事兄亦慰之曰爭之不足讓之有餘宗族里黨咸目其爲忠厚長者乃若理宗祠修家譜守祖宗之成法聯疎散於一



編尊尊親親使吾族屬不視爲途人者皆兄之力居多號曰秉坤坤者地道也兄之制行敦本厚重有得夫坤之義焉爰以爲序

昔

龍飛乾隆三十四年歲次己丑黃鐘月穀旦

愚弟邑庠廷倬頓首拜撰



七十自序

永四百三十二

丁未之秋八月旣望是夕也冰輪乍湧前塵洗烟余與二三知己玩月於庫川之北酒酣歸不解衣而睡夢遊於壽山之下有曳杖老人向余而言曰君今年際古稀逾七日則懸弧令旦矣豈無親朋製錦以爲君壽者乎余曰愧甚老人曰我聞君家累世書香君年甫弱冠而登庠序三赴棘闈有志未遂乃習青囊之學遨遊山水徜徉適志現有老母年近九旬斑斕可舞齊眉舉案芝玉盈堦夫如是是亦足矣奚愧焉余曰非是之謂也公不見名公巨卿垂紳殿陛黼黻鴻猷以仁壽斯民者乎又不見文人學士錦心繡口吟詩作賦下筆數千言立就以傳名後世者乎又不見勤儉成家樂善好施積陰德於冥冥之中以爲子孫計長久者乎人苟能是卽壽不必躋耄期將千百



世後尸而祝之者詎有窮耶若余小子碌匕一生光陰虛度然猶自  
幸餘生而望天之假年者誠以菽水尙待承歡而生平之情事未申  
也寧無愧焉老人曰善哉信如君言則今之稱家世頌昌後鋪張揚  
厲錦軸輝煌山珍海錯列筵稱觴先酌曰某飲斯寶婺輝南極再酌  
曰頻添北海樽三酌曰華堂齊拜祝桂子與蘭孫而其人且詡匕揚  
揚自鳴得志而究其生平有欲如君言而不可得者不幾顏厚哉既  
而緩步升階引余入洞中笑而指曰秋日誕公秋壽山爲公壽此令  
先世正惠公祝聯也君其勉之言已有鶴自南來戛然長鳴向中庭  
而集也老人乘之而去余睡頓覺是時桂香撲鼻松聲盈耳起而視  
之月到天心處

王韶鳳先生評



人生在世無過大夢一場境則幻矣而富貧壽夭又水中月也掬  
水而月在手乎依然皓魄當空印乎萬川而已惟明者差有覺之  
一候或任其三五而盈焉缺焉而不知者乃終其身夢幻中驚  
之而不復覺且徒見上弦之未圓而不解下絃之轉瞬而卽是也  
我 太翁自製此序以夢遊爲經玩月緯之而一夢旋覺月則聽  
其自到天心此外不復參一語太翁其有微詞與然起伏照應結  
構謹嚴太史公獨有千古外間恐不能道隻字







胡太翁七袞榮壽賦

以題名爲韻

廷珣字琪玉號夢琳

壽域宏開驗德符  
清秋佳節慶懸弧  
籌年應得仙籌滿  
杖國何需鳩杖扶  
謝砌芳蘭齊舞綵  
梁筵寶瑟佐傾壺  
長庚璀璨知誰屬  
別號夢琳姓卽胡  
原夫箕疇五福惟  
壽居先華封三祝  
以壽爲大聖天子  
尙齒鎬靡垂憲老  
之文鄉大夫引年  
洛社重耆英之會  
殺羔羊以躋饗  
黃耆無疆酌大斗  
而介眉福綏未艾  
匪等閑之能堪實  
仁厚之多賴必全  
品望於無虧乃享  
遐齡而非太恭惟  
岳祖齒德兼隆內  
克厥性外飭其躬  
清言媿七雅量融  
七天文洞徹地理  
淵通行孚梓里名  
噪覺宮老而勤修  
擬知非之伯玉毫  
而好學方抑戒於  
武公信熙朝之大  
老而非俗世之村  
翁也考其居家情  
深愛日婉轉承歡  
慤勤侍疾舞萊子  
之班衣研岐黃之  
妙術歌棠棣兮宜  
弟兄咏關雎兮友  
琴



瑟萬石君之家法猶存燕竇氏之義方堪匹立期不朽之三業課俱  
成之七考其處世溫文簡質不過亢而矯顏不過卑而屈膝排難解  
紛老尊幼恤威可畏而儀可象咸欽懿行之醇子言孝而父言慈共  
聆德音之秩是以星輝南極節屆西成桂方飄子菊亦吐英昌期嶽  
降吉日崧生緬佑順於方巖八婺仰神庥而競賽祝稀年於庫水八  
月與神壽而同榮爾其頽靡不形稟承獨厚耳聰目明背聳肩透有  
酒湑我極王謝之風流何物可人覓山川之靈秀身老而身仍強年  
邁而年尙富此所謂胡考之寧既康且壽者哉棟也幸獲提攜頻邀  
睠顧風聆清談周知雅素大德必壽三千花菓非爲誇和氣致祥八  
百春秋何足數眉齊七秩麗金星膝繞三傳羅玉樹惟翁品望與  
日月而爭光故翁遐齡借岡陵而孔固敬拜祝以稱觴忘蕪疏而



獻賦

乾隆丁未桂月下浣

孫壻庠生王朝棟百拜稿



葬制下未葬民不葬

將葬車坐王噴財百我蘇

禮記



琪玉翁七十有六壽言

距余家五里許曰庫川三侍郎保定賑公裔也聚族而居以親戚故  
數相來往余始數歲卽聞有琪玉翁名後漸長登其堂挹其芝宇愿  
而恭溫而肅不少詭隨爲酒食相款叙戚誼則余丈人行也翁少學  
文章早遊泮水屢不得志於鎖闈于是益肆

爲人卜龍耳罔不詳



--	--	--	--	--	--



